

國朝耆獻類徵初編卷二百四十七目錄

守令三十三

李兆洛

奚大壯

吳堦

吳松

李毓昌

楊岳東

劉斯馨

瞿家鼈

王景章

丁周

應先烈

閩廣居
韓湯衡

李方穀
高上桂

張映蛟
王有年

涂躍龍
李清英

陳光詔
羅湛恩

繆繼祖

宗霈

金錫鬯

李端元

周飛熊

蔣作梅

易良俶

傅璜

趙廷澍

張琦

吳清泉

董敏善

陸費鑒

陳藻

補錄

周錫齡

國朝耆獻類徵初編卷二百四十七

通奉大夫前署江西巡撫江西布政使司布政使湘陰李桓輯

守令三十三

李兆洛

君諱兆洛字申耆姓李氏江蘇陽湖人也本無錫夾山王氏明神宗時有本成者育於武進三河口李氏遂冒李姓武進分陽湖三河口屬之故爲陽湖人祖衍曾國子生 貤贈奉直大夫父徵蘭陽湖學生 封奉直大夫妣奚 贈宜人娶宜興路氏 封宜人子二顓前歿願國學生女一適同邑陸佑麟孫六曾孫二君短身碩腹豹顙剛目面麻黑望之峻聳若不可近而就之和易終日手

口無停輟而未嘗有疾言遽色幼聰慧好讀書日能熟百餘行子以嘉慶庚申識於白門壬戌過訪主其家七閱月徧檢其所藏書卷逾五萬皆手加丹鉛校羨脫正錯悟矢口舉十三經辭無遺失上自漢唐下及近世諸儒說條別得失不檢本尤嗜輿地學備購各省通志較互千餘年來水地之書證以正史刊定顧祖范讀史方輿紀要之與原史不符者並世先達唯開化戴簡恪公友生中唯吳沈欽韓文起記問差足相上下餘無能爲儼似矣而慮以下人見一才一技殊么小而君盛推掖獎借自以爲不及子稚於君六歲所學至淺陋而君見說儲臺本謂其慮周亭林詞媿敬輿以塗改句剔甚蕪累手爲繕清至十餘萬言楷法一本渤海十日而

畢子逢人誦說曰以能問於不能以多問於寡有若無實若虛吾
申耆庶幾近之聞者駭然久之則皆以爲知言也成童應縣試陽
湖令陳君見君年最少而投卷太速疑之君應荅如流陳君款詢
家世曰汝可卽歸吾不招覆汝矣通場雖皆未投卷然知必無及
汝者招覆非第一不可汝童年初試卽蓋一邑非吾之所以期汝
也卽在聽事書聯爲贈曰他日定成名進士乃翁真有好兒郎一
時傳爲佳話旋丁奚宜人憂服闋赴試督學使爲仁和胡文恪公
奇君文旣首擢及發落文恪已將君原場及覆試卷刻成九學諸
生各給一本曰歸家熟讀之若毋薄李生新進老夫衡文半天下
未見有如李生者矣嘉慶甲子應江南鄉試領解乙丑成進士改

翰林院庶吉士戊辰散館一等授知縣選四川親老告近改安徽鳳臺鳳臺爲壽州分縣民悍同壽而地特瘠君莅任知漢芍陂在邑境勘之今名焦岡湖濱淮而山岡環繞易爲旱潦君增隄防設溝閘督耕耘民以有歲邑多豪猾爲逋盜藪者相望君嘗騎率健勇循行閭里每出不意得其魁又察其中有重氣節矜然諾者撫用之盜以斂戢辛未秋百文敏公任兩江督先是儀徵有劫殺巨案戕一家三命文敏偵得兇盜爲蒙城人而匿鳳臺嚴檄兩邑限一月捕送君偵知容隱兇盜之巨猾不受捕乃召撫用者至內室賜之酒饌曰吾當解組歸里門故與若作一劇飲受撫者怪語不倫請其故君示以督檄受撫者曰役故知其人匿巨猾家然力不

能取君曰若力能取者吾早以捕事責若矣吾卽去此若亦不能
終作好人故與若作別耳受撫者嗚咽良久曰有一計或可試收
役家屬於獄而發硃簽諭役往然三日不回則役死猾家已役之
妻若子可終身伺應夫人公子供灑埽幸得延宗祀君諾之猾家
距城二十五里受撫者卽日至猾家猾款之曰雲泥路隔已三載
何幸臨此得毋爲儀徵案耶示以硃簽猾曰信在此可召出其飲
而商之兇盜出則曰我公之新友而彼則舊友且我一身而彼一
家顧爲新友之一身陷舊友一家乎我卽從入城耳次早猾遣長
矛二十護送至城門而返蓋兇盜至趨勁猾恐受撫者非其敵也
君初遣受撫者下鄉卽於署內製堅檻並集昇者護者百餘人以

需受撫者引兇盜至君適在聽事讞他獄一訊名姓立檻解蒙城而身督護送鳳臺去蒙城七十里中道有鎮爲分界所檻車入飯店君降輿當門坐環觀者如堵君曰此巨盜斷不能捕而我竟捕得若等知吾樂否取巨觥痛飲又命侍者酌飲其父老與話嘈雜不可休醉甚乃升輿前行猾已遣數十健者來劫見君攔店門轟飲遂出鎮外候良久君輿過猾黨問檻犯何尙不來荅以隨後猾黨返至店則早已毀店後牆昇檻車前去計且抵蒙矣猾黨旣返君卽改乘快馬疾馳至蒙會蒙令受兇盜詞卽聯銜會印通詳聲明鳳邑捕得遵檄交蒙邑轉解儀歸案君返鳳之次日兇盜越蒙獄蒙令先以虧缺奉督院嚴詰事未竟又失兇盜遂縊君嘗語予

曰鳳穎泗三府州揀集五千人可以方行天下然唯其豪能用之
官用之必帥至千里外或客兵勢盛足相鈐制乃可否則驕蹇難
爲降伏已然則君真體察北方强者之性情至熟易故機一發而
必達非徒恃智若鏃矢已也甲戌君奉奉直君諱去官以交案羈
滯歲餘服闋例還原省君無意出山而鳳臺猶有官項就館數年
以脩脯補虧缺官事竣遂旋里江陰延主暨陽書院居之二十年
而卒於家年七十有三歲君爲諸生每試必冠曹士論謂君文利
小試遺子弟從君遊求弋獲技故前後從者數十無能受君之學
者及主講暨陽江陰人士頗能信受毘陵之儁亦從而假館四方
艤舟問字者無虛日君乃得各就性情所近分途講授就遠旣久

多有能得一體者古今文辭行世者君無不披覽時論盛推歸方
崇散行而薄駢偶君則謂唐宋傳作皆導源秦漢秦漢之駢偶實
唐宋散行之祖與予持論若笙磬而予以辭達爲宗君則規撫體
勢朋儕中能文者偶過君君輒倣其章句至本人不能辨亦以此
少所自得唯官鳳臺時譔邑志十卷晚年校刻輿圖督造天球爲
精心之作君名日益重求文者接踵君自信其文非行遠遂亦不
甚珍惜點竄來狀率如人意付去卽棄橐門弟子各司錄副或有
檢得於故紙者咸寶守之君旣卒首選弟子蔣同爲年譜一卷又
述平日所聞倣宋人語錄爲暨陽問荅二卷郵致乞志墓其明年
薛子衡又爲行狀而高承鉦哀輯同門所藏君文以聚珍板排印

爲二十六卷猶以君文多散軼爲憾欲隨訪隨續俟備更付梓氏
郵排印本來乞傳道光甲午春予過常州以張館陶墓表郵書質
君覆云衰頹已極不數年卽當以此事相煩是君固早命之矣予
無以辭故編次所習略不取材譜狀以傳君之真焉

右傳包世臣撰

武進李先生諱兆洛字申耆進士官鳳臺縣知縣研求義理通達
事情專心有用之學不爲空談其所著鳳臺縣志各論具有本末
士林稱之

右學案唐鑑輯

士林聞之

百朝也世強

無以輔助雖大視皆卻不更林語類以與保文員蓋
吾爵云其融口跡不嫌手唯當以壯率麻然吳保固早命之矣予
惟其財本來之爵數喪甲子春予歲常賦以與諸國墓吏歷舊預
爲二十六卷餘以保文遂婚婢燕燕於園南園餘矣前更以料升

奚大壯

奚大壯字安止號雨谷蓬溪人改入籍溫江嘉慶戊午舉人乙丑進士官湖北興國州知州雨谷爲桐生妻叔父蜀中名進士宰應城卓有政聲以拏獲天主教匪晉擢刺史四校鄉閭所取多知名士乞養歸田淡於仕進值聶蓉峯太史督學來蜀聘主墨池講席亦多所造就云

右 國朝全蜀詩鈔小傳孫桐生撰

卷之三

...

...

...

吳堦

嘉慶十八年逆賊林清等乘大駕幸木蘭將以九月十五日潛入禁城爲亂而其黨之散處於山東河南直隸者同日起兵應之河南賊首曰李文成牛亮臣起滑山東賊首曰崔士俊起金鄉曰馮克善曰徐安國起曹定陶直隸賊首朱成貴等起東明長垣開滑令強君克捷捕得李文成牛亮臣署金鄉令吳君捕得崔士俊羣賊知事泄倉猝起不獲與林賊如約二君之功大矣然李牛二賊破獄出城陷強君死之而金鄉晏然總統無分兵輸餉之勞得與楊公遇春等專力破滑所謂曲突徙薪者非邪於虜君負才名三十年顛躓坎壈愛憎之口互有異同而卒能自見如此然則瑰

奇之士固非目論者所得而測識邪君少孤貧年十八卽獨身走京師謁諸父執諸父執或延見或否而王少司寇昶獨奇之爲取婦畱館邸第最久後又受知於朱學士筠陸撫部燿與懷甯余鵬少雲同縣黃景仁仲則齊名京洛三君者才日益奇遇亦日益困仲則少雲不勝其憤先後客死而君嘗從王陸二公習章奏律令試挾其能游秦晉聞聲大起資傭值以養母稍稍買宅市裘馬爲豪士君年三十識余楊荔浦倫座上欲與爲友時君方以純廟南巡獻賦拜文綺之賜名藉甚且年倍長謝之又八年始與定交於鄉試號舍自是有無相通患難相恤疾病相扶持二十八年之中雖屢與君別而箋疏規勉閒以駁辨月或一再往復今尙存